



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronologia Monasteriorum Germaniæ Præcipuorum Ac Maxime Illustrium

Brusch, Kaspar

Nürnberg, 1682

Rebdorffum, ...

urn:nbn:de:hbz:466:1-38166

REBDORFFUM, Canoniorum regularium S. Augustini cœnobium præclarum & elegans, ad Altimulam seu Almonum fluvium supra Aichstadium, post ipsam arcem Episcopalem in longe amœnissima valle situm, fundatum ac extrui cœptum est anno Domini 1156. sub Episcopo Aichstetensi, Domino Conrado à Morspeck, Friderici Imperatoris præcipuo & gratissimo consiliario, ab Imperatrice Domina Beatrice, Burgundionum Ducissa, Friderici Barbarossæ secunda conthorali, quæ pagum Rebdorffensem dono dabat Episcopo ad extruendum monasterium. Episcopus Conradus sibi in eo sepulturam vivus adhuc adornavit, in quam mortuus depositus est anno Domini 1171. Cubat in eadem Ecclesia Rebdorffensi media ferè sub insigni ac sublimi marmore illustris Dominus Gebhardus, ultimus Comes de Hirsberg, maximus & cœnobii hujus & totius Episcopatus Aichstetensis (cui totum Comitatum Hirsbergensem legavit moriens) benefactor. De quo Gebhardo ad Conradum secundum, Episcopum, tales extant versiculi.

*Ultimus
Comes
Hirsber-
gensis.*

*Montem Cervorum clarum, castrumq; decorum,
Et res Conrado Gebhardus ego tibi trado,
Quas Willibaldi vice suscipias patris almi,
Æternam ut requiem mihi is impetret atq; salutem.*

Habuit hoc cœnobium initio sui omnes monachos ferè genere nobiles, quorum gubernator erat præpositus. Hi cum tandem à virtute majorum degenerantes, abjecto religionis, literarum & pietatis studio, venationibus ac commestationibus potius (ne quid amplius dicam) dediti, cum disciplinæ, tum œconomix negligentes essent, reformavit totum cœnobium omni laude dignissimus Aichstadianus Episcopus, D. Joannes de Quercu, & ejecta degenerate nobilitate, substitutisq; melioribus observantiam regularem introduxit anno Domini 1458. sumpta occasione apud Ceraforum horti cœnobium, in quo fuerat, dum Wormatiensia Comititia sui temporis accessisset: cujus loci discipli-

*Kirs-
garten Cœ-
nobium.*

sciplina captus, mox domum reversus ex hac ipsa præpositura sua S. Augustini Prioratum fecit. Huic præfuerunt ab ea reformatione ad hæc nostra usq; tempora Priores subscripti.

1. *Joannes Herdenius*, Magister artium, Francus & Freidenburgus Franciæ orientalis oppido ad Mœnum supra Miltenburgum sito natus, assumitur ex Cerasorum horti cœnobio anno Domini 1458. Præfuit annis 25. & anno 1483. peste graviter in omni vicinia grassante correptus obiit. Sepelitur ante chorum cum duobus fratribus, eodem tempore peste absuntis.

2. *Joannes de Moguntia*, vir prudensissimus, succcessit. Præfuit annis 12. & aliquot mensibus. Obit anno 1496. in die D. Erhardi. Sub hoc Priore ingressus est cœnobium hoc ipsum D. Chilianus Leib, quartus hujus cœnobii reformati rector anno 1486. in Divi Andreae profesto, anno ætatis 16.

3. *Michaël Francus*, Bergensis, prope Geiern arcem natus, præfuit annis septē penē. Obit anno Domini 1503. ipsa die Julianæ, Februarii mense. Fuit egregius & admodū religiosus vir. Sepelitur in sacello D. Annæ, cum Priore Joanne Moguntino.

4. *Chilianus Leib*, ex Ostrofrancorū Bosphoro, vulgo Ochsenfurt, natus, vir in literis & linguis multipliciter doctus, successit anno 1503. in die S. Perpetuæ & Felicitatis. Præest adhuc hoc Jubilæo 1550. ætatis vero suæ anno 80. Vidit bella, Bavaricum, Rusticum & Germanicum, quæ omnia copiose descripsit, alioquin etiam vere polygraphus, rector sui monasterii longe utilissimus.

Est ad eundem fluvium Almonum paululum infra hoc monasterium monialium etiam & regularium Canonissarum labore ferè suo victitantium elegans monasteriolum Mariani lapidis cognomento nobilitatum. Id anno Domini 1470. à Guilielmo, Episcopo Eichstetensi, inchoatum, piorum hominum elemosynis postea auctum & adjutum est.

REGII Fontis elegans & præclarum monasterium, ordinis S. D. Bernardi vel Cisterciensis, dioceseos Constantiensis, sub visitatione Salemitana, in Brentiana valle prope Brentii amnis